

# ЭЛЕКТРОЭНЕРГ АРВЛДЖ ЭДЛХИН ТӨЛӨ

Олн амтнэ эдл-ахуд электроэнерг чик саянар олзлхин туск, КПСС-н ЦК-н бичигг орн-нутгин күч-көлсчир икэр таасдж, халунар тосцхав.

Московск подшипников негдгч заводин цехмүдэр болсн күүндврмүдт, электроэнерг арвэр олзлх шин эв хяадж олх селвгүд көдлмшчир келдж өгцхав.

Долан жилин түрүн жил эклснэс авн подшипниковцнр 6.067 миньгын киловатт-час электроэнерг арвлв. Цуг эн тоот, производствин нүүрлэчирин кесн билггч көдлмшин ашд күүсн. Эн жилин 10,5 сарин эргцд электроэнерг арвлггнэ туснар техникеск 30 ширлгс болн зу гар селвгүд предприятиес орулгддж батгдв. Олн амтнэ эдл-ахуд электроэнерг чик саянар олзлхин туск КПСС-н ЦК-н бичигг Ленинградин Кировск заводт йилггян өргмджтэггяр тосцхав. Электроэнерг арвэр эдлггярн сян аш күүсен коллективсин негнэ болдж эн документд келгдсн, эн заводин коллектив, шинэс аггү ик дилвр күүсв. Жилин түрүн өрөлд 8,1 сай киловатт час арвлхлэрн, тер мет КПСС-н ЦК-н июньск Пленумд болн Алдр Октябрин 42-ч жилин өөнд нерэддж немдж авсн өөдэн даалггвран кировцнр күүцэцхав. Предприятгд эн жил арвлсн электроэнергин тонь ода 15 сай киловатт-часас давдж одв.

—Электроэнерг арвлхин төлө царанднэ эвинь хяахд КПСС-н Центральн Комитетин бичг маниг икэр омшаджана, — гидж заводин гол эне-

ргетикин электротехническ бюрон начальник С. Г. Казакевич ТАСС-н корреспондентлэ кесн күүндвртэн келв. Гурвдгч кварталд 3 сай киловатт-час электроэнерг немдж арвлхэр бидн үгэн өглөвдн, партин кесн дуудврт хэрү өгч, улм ик өөдэн даалггвр бий деерэн авчанавдн.

Алтайск энергосистемин коллектив электроэнерг арвлггнэ хаалггинь хяадж, тоолдж, медж авчана. Эн жил эврэ дотр-дундин кергт гарггдг токиг хасад, өөдэн вольтта сетяр болн трансформаторар гедрдг токиг баггрулсна ашд 10 сай шаху киловатт-час электроэнерг арвлгдв. Эн электроэнерг хойр миньгын трактормуд кедж гарггхд, эс гидж төмр хаалггинь нег эшелон цаггян хала дутхдж гарггхд дурндан күүрхмн.

Электроэнерг чик саянар олзлхин туск, КПСС-н ЦК-н бичгт хэрү өгч, тус угаггяр ток эдлгггиг хасдж, терүнэ гедритинь баггрулхар, Алтайск системин коллектив шиидв.

Киевск экономическ района предприятгсин коллективс болн терүнэ аггүд баяах министрствс, ведомствс эн жил 32,5 сай электроэнерг арвлцхав. Энүгинь тоолхла, 5.5 киловатт чидлтэ тепловой станцин бүкл сардан кедж гарггх электроэнерглэ адлцнэ.

Украинэ хотл балггснд олна эдлврт баяах электрическ сетгсиг 110 вольтас 220 вольтд орулджана, тер цагт электроэнерг геелггн дөрв дакдж баггрхмн.